

Начало изобразительных глаголи сице:

Старший: Молитвами святых отец наших, Господи, Иисусе Христе, Сыне Божий, помилуй нас.¹

Чтец: Аминь.

Царю Небесный, Утешителю, Душе Истины, Иже везде Сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, Души наша.

Святой Боже, Святой Крепкий, Святой Бессмертный, помилуй нас.
Трижды.

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святой, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

Господи, помилуй, *12 раз.*

Слава Отцу, и Сыну, и Святому Духу, и ныне и присно, и во веки веков, аминь.

Приидите, поклонимся Цареву нашему Богу.

Приидите, поклонимся и припадем Христу, Цареву нашему Богу.

Приидите, поклонимся и припадем Самому Христу, Цареву и Богу нашему.

Благослови, душе моя, Господа: благословен еси, Господи.

Псалом 102. **Благослови душе моя Господа, и вся внутренняя моя имя святое Его. Благослови душе моя Господа, и не забывай всех воздаяний Его; Очищающего вся беззакония твоя, исцеляющего вся недуги твоя; Избавляющего от истления живот твой, венчающего тя милостию и щедротами; Исполняющего во благих желание твое: обновится яко орля юность твоя. Творяй милостыни Господь, и судьбу всем обидимым. Слова пути Своя Моисеови, сыновом Израилевым хотения Своя; Щедр и милостив Господь, долготерпелив и многомилостив. Не до конца прогневается, ниже во век враждует; Не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боявшихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет; Яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящий слово Его, услышати глас словес Его. Благословите Господа вся силы Его, слуги Его, творящий волю Его. Благословите Господа вся дела Его, на всяком месте владычества Его.**

Слава Отцу, и Сыну, и Святому Духу, и ныне и присно, и во веки веков, аминь.

Благослови, душе моя, Господа, и вся внутренняя моя имя святое Его. Благословен еси, Господи.

Слава Отцу и Сыну и Святому Духу.

Псалом 145: **Хвали, душе моя, Господа. Восхваляю Господа в животе моем, пою Богу моему, дондеже есмь. Не надеетесь на князи, на сыны человеческия, в нихже несть спасения. Изыдет дух его и возвратится в землю свою: в той день погибнут вся помышления его. Блажен, ему же Бог Иаковль помощник его, упование его на Господа Бога своего; Сотворшаго небо и землю, море и вся, яже в них; Хранящаго истину в век, творящаго суд обидимым, дающаго пищу алчущим. Господь решит окованныя. Господь умудряет слепцы. Господь возводит низверженныя, Господь любит праведники. Господь хранит пришельцы, сира и вдову примет и путь грешных погубит. Воцарится Господь во век, Бог твой, Сионе, в род и род.**

И ныне и присно и во веки веков. **А**минь.

Единородный Сыне, и Слове Божий, безсмертен Сый. И изволивый спасения нашего ради воплотитися от Святыя Богородицы и Приснодевы Марии, непреложно Вочеловечивыйся. Распныйся же, Христе Боже, смертью смертью поправый. Един Сый Святыя Троицы, прославляемый Отцу и Святому Духу, спаси нас.

Во Царствии Твоем, помяни нас, Господи, егда приидеши во Царствии Твоем.

Блажени нищии духом, яко тех есть Царство Небесное.

Блажени плачущии, яко тии утешатся.

На 10: Блажени кротции, яко тии наследят землю.

Воскресные, глас 2:

Тропарь: Глас Ти приносим разбойничь, и молимся: помяни нас, Спасе, во Царствии Твоем.

Блажени алчущии и жаждущии правды, яко тии насытятся.

Тропарь: Крест Тебе приносим в прощение прегрешений: егже нас ради приял еси, Человеколюбче.

На 8: Блажени милостивии, яко тии помиловани будут.

Тропарь: Покланяемся Твоему, Владыко, погребению и востанию: имиже от тления избавил еси мир, Человеколюбче.

Блажени чистии сердцем, яко тии Бога узрят.

Тропарь: Смертию Твоею, Господи, пожерта бысть смерть: и Воскресением Твоим, Спасе, мир спасл еси.

На 6: Блажени миротворцы, яко тии сынове Божии нарекутся.

Тропарь: Мирносицы сретил еси, воскрес от гроба, и учеником возвестил еси, вещи Твое востание.

Блажени изгнани правды ради, яко тех есть Царство Небесное.

Тропарь: Иже во тьме спящих Тя, свет, видевше, в преисподнейших адских, Христе, воскресоша.

На 4: Блажени есте, егда поносят вам, и изженут, и рекут всяк

зол глаго́л на вы, лжу́ще Мене́ ра́ди.

Успения, глас 1:

Тропарь: Дивля́хуся А́нгельския́ си́лы, в Сио́не смотре́юще свое́го Влады́ку,/ же́нскую ду́шу рука́ми нося́щаго,/ пречи́сто бо Ро́ждшей сыноле́пно провозглаша́ше:// гряди́, Чи́стая, с Сы́ном и Бо́гом просла́влена бу́ди.

Ра́дуйтеся и веселите́ся, я́ко мзда ва́ша мно́га на Небесе́х.

Тропарь: Опрята́ лик апо́стольский богоприя́тное те́ло Твое́,/ со стра́хом зря́ще и гла́сом ве́лиим веща́юще:// в Небе́сныя до́мы к Сы́ну восходя́щи, спаса́еши при́сно, Богоро́дице, насле́дие Твое́.

Слава Отцу и Сыну и Святому Духу.

Успения, глас 4:

Тропарь: Прииди́те в Сио́н, на Божество́нную и ту́чную Го́ру жива́го Бо́га,/ возра́дуемся, Богоро́дицу зря́ще:/ к зело́ бо лу́чшей и Божество́нней се́ни,// я́ко Ма́терь, Сию́ во Свята́я святы́х Христо́с престави́.

И ныне и присно и во веки веков. Аминь.

Тропарь: Прииди́те, ве́рнии, ко грóбу присту́пим Бо́жия Ма́тере/ и обы́мем, сердцы́ и устна́ми, очесы́ и лицём чи́сто прикаса́ющесея// и почерпа́юще исцелéний незави́стныя да́ры от исто́чника приснотеку́щаго.

Хор: Приидите, поклонимся и припадем ко Христу. Спаси Сыне Божий, воскресый из мертвых, поюция Ти: аллилуиа.

ТРОПА́РЬ ВОСКРЕ́СНЫЙ, ГЛАС 2:

Егда́ снизше́л еси́ к сме́рти, Животе́ Безсме́ртный,/ тогда́ ад умертви́л еси́ блиста́нием Божества́./ Егда́ же и умершы́я от преиспо́дних воскреси́л еси́,/ вся́ Си́лы Небе́сныя взыва́ху:// Жизнода́вче, Христé Бо́же наш, сла́ва Тебе́.

ТРОПА́РЬ УСПÉНИЯ, ГЛАС 1:

В рождестве́ де́вство сохра́нила еси́,/ во успéнии ми́ра не

оста́вила еси́, Богоро́дице,/ престáвилася еси́ к животу́, Ма́ти
су́щи Живота́,// и моли́твами Твои́ми избавля́еши от сме́рти
ду́ши на́ша.

**Святы́й Бо́же, Святы́й Крепкий, Святы́й Безсме́ртный, поми́луй
нас. (Трижды)**

Слава Отцу́ и Сыну́ и Святому́ Духу, и ны́не и присно́ и во веки веков.

Ами́нь. Святы́й Безсме́ртный, поми́луй нас.

Святы́й Бо́же, Святы́й Крепкий, Святы́й Бессме́ртный, поми́луй нас.

Чтец: Прокі́мен, глас второ́й: **Кре́пость моя́ и пе́ние моё Го́сподь,/**
и бысть мне во Спасе́ние.

Хор: **Кре́пость моя́ и пе́ние моё Го́сподь,/** и бысть мне во Спасе́ние.

Чтец: **Наказу́я наказа́ мя Го́сподь, сме́рти же не предаде́ мя.**

Хор: **Кре́пость моя́ и пе́ние моё Го́сподь,/** и бысть мне во Спасе́ние.

Чтец: **Глас тре́тий, песнь Богоро́дицы: Вели́чит душа́ Моя́**
Го́спода,/ и возра́довася дух Мой о Бо́зе Спа́се Моём.

Хор: **Вели́чит душа́ Моя́ Го́спода,/** и возра́довася дух Мой о Бо́зе
Спа́се Моём.

Чте́ние Апосто́ла:

Чтец: **К** Коринфяном послáния свята́го апосто́ла Па́вла чте́ние.

(Чтение дня: 1Кор., зач.141: гл.9, стт.2-12):

**Бра́тие, печа́ть моего́ апосто́льства вы естé о Го́споде. Мой
отвёт востязу́ющим мене́ сей есть. Еда́ не има́мы вла́сти я́сти и
пи́ти? Еда́ не има́мы вла́сти сестру́ жену́ водити, я́ко и прóчии
Апосто́ли, и бра́тия Го́сподня, и Ки́фа? Или́ еди́н аз и Варна́ва не
има́мы вла́сти е́же не де́лати? Кто вои́нствует свои́ми обро́ки
когда́? Или́ кто насажда́ет виногра́д, и от плода́ его́ не яст? Или́
кто пасе́т ста́до, и от млека́ ста́да не яст? Еда́ по челове́ку сия́
глаго́лю? Не и зако́н ли сия́ глаго́лет? В Моисе́ове бо зако́не**

пишет: да не заградíши устнú волá молотяща. Едá о волóвех радít Бог? Или нас рáди всяко глагóлет? Нас бо рáди вписáся, я́ко о наде́жди дóлжен есть оря́й орати, и молотя́й с наде́ждою своегó упováния причащáются. А́ще мы духо́вная се́яхом вам, вели́ко ли, а́ще мы ва́ша телéсная по́жнем? А́ще инíи вла́сти ва́шея причащáются, не па́че ли мы? Но не сотвори́хом по о́бласти сей, но вся терпíм, да не прекра́щение ко́е да́мы благовествова́нию Христóву.

(Чтение Богородицы: Флп., зач.240: гл.2, стт.5-11):

Бра́тие, сие да му́дрствуется в вас, е́же и во Христé Исусе, И́же во о́бразе Бóжии сый, не восхище́нием непщевá бы́ти ра́вен Бóгу. Но Себе́ умáлил, зрак раба́ при́им, в подóбии челове́чеством быв, и о́бразом обрeтeся я́коже человек. Смирíл Себе́, послушли́в быв да́же до смéрти, смéрти же крeстныя. Тeмже и Бог Егó превознесé и даровá Емú и́мя, е́же па́че всякаго и́мене, да о и́мени Исусове вся́ко колéно поклонíтся небéсных и земн́их и преиспóдных, и всяк язýк испове́сть, я́ко Госпóдь Исус Христóс в сла́ву Бóга Отца́.

Аллилу́рий Воскрéсный, глас 2:

Чтец: Глас вторýй: Аллилу́ия, аллилу́ия, аллилу́ия.

Хор: Аллилу́ия, аллилу́ия, аллилу́ия.

Чтец: Услы́шит тя Госпóдь в день печáли, зашчítит тя И́мя Бóга Иáковля.

Хор: Аллилу́ия, аллилу́ия, аллилу́ия.

Аллилу́рий Успéния, глас 2:

Стих: Глас тойже: Воскресни́, Гóсподи, в покóй Твой, Ты и Кивóт святы́ни Твоея́.

Хор: Аллилу́ия, аллилу́ия, аллилу́ия.

Господи помилуй, трижды.

Старший: От Матфея Святаго Евангелия чтение

Хор: Слава Тебе, Господи, слава Тебе.

Старший:

(Недели четвертой Великого поста: Мк., зач.40: гл.9, стт.17-31):

(Чтение дня: Мф., зач.77: гл.18, стт.23-35):

Рече Господь притчу сию: уподобися Царствие Небесное человеку царю, иже восхотэ стязатися о словеси с рабы своими. Наченшу же ему стязатися, приведоша ему единого должника тмю талант. Не имущу же ему воздати, повелэ и господь его продати, и жену его, и чада, и вся, елика имяше, и отдати. Пад убо раб той, кланяшеся ему, глаголя: господи, потерпи на мне, и вся ти воздам. Милосердовав же господь раба того, прости его и долг отпусти ему. Изшед же раб той, обрете единого от клеверет своих, иже бе должен ему стом пенязь, и ем его давяше, глаголя: отдаждь ми, иже ми еси должен. Пад убо клеверет его на нозе его, моляше его, глаголя: потерпи на мне, и вся воздам ти. Он же не хотяше, но вед всади его в темницу, дондеже воздаст должное. Видевше же клеверети его бывшая, сжалиша си зело и пришедше сказаха господину своему вся бывшая. Тогда призвав его господин его, глагола ему: рабе лукавый, весь долг он отпустих тебе, понеже умоли мя еси, не подобаше ли и тебе помилovati клеверета твоего, якоже и аз тя помиловах? И прогневавсь господь его, предаде его мучителем, дондеже воздаст весь долг свой. Тако и Отец Мой Небесный сотворит вам, аще не отпустите кождо брату своему от сердец ваших прегрешения их.

(Чтение Богородицы: Лк., зач.54: гл.10, стт.38-42, гл.11, стт.27-28):

Во время оно, вниде Иисус в весь некую, жена же некая именем Марфа прият Его в дом свой. И сестра ей бе нарицаемая Мариа, иже и седши при ногу Иисусову, слышаше слово Его. Марфа же молвяше о мнозе службе, ставши же рече: Господи, не брежеш ли, яко сестра моя едину мя остави служити; рцы убо ей, да ми

поможет. Отвещав же Иисус, рече ей: Марфо, Марфо, печешься и мовиши о мнозе. Едино же есть на потребу. Мариа же благоу часть избра, яже не отыметя от нея. Бысть же егда глаголаше сия, воздвигши некая жена глас от народа, рече Ему: блажено чрево носившее Тя, и сосца, яже еси ссал. Он же рече: темже убо блажени слышащи слово Божие, и храняще е.

Хор: Слава Тебе, Господи, слава Тебе.

Глас 6:

Помяни нас, Господи, егда приидеши во Царствии Твоем.

Помяни нас, Владыко, егда приидеши во Царствии Твоем.

Помяни нас, Святой, егда приидеши во Царствии Твоем.

Лик небесный поет Тя и глаголет: Свят, Свят, Свят Господь Саваоф, исполнь небо и земля славы Твоея.

Стих: Приступите к Нему и просветитесь, и лица ваша не постыдятся.

Лик небесный поет Тя и глаголет: Свят, Свят, Свят Господь Саваоф, исполнь небо и земля славы Твоея.

Слава Отцу и Сыну и Святому Духу

Лик святых Ангел и Архангел со всеми небесными силами поет Тя и глаголет: Свят, Свят, Свят Господь Саваоф, исполнь небо и земля славы Твоея.

И ныне и присно и во веки веков, аминь.

Верую во Единого Бога Отца, Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца Рожденного прежде всех век; Света от Света, Бога Истинна от Бога Истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша и погребенна. И воскресшаго в третий день по Писанием, и возшедшаго на небеса и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, Глаголавшего пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

Ослаби, остави, прости Боже, прегрешения наша, вольная, и невольная, яже в слове и в деле, яже в ведении и не в ведении, яже во дни и в нощи, яже во уме и помышлении, вся нам прости, яко Благ и Человеколюбец.

Отче наш, Иже еси на небесех. Да святится Имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

Слава Отцу и Сыну и Святому Духу.

Кондак воскресный, глас 2:

Воскрéсл еси́ от грóба, Всесильне Спа́се,/ и ад, ви́дев чúдо, ужасéся,/ и мёртвии востáша;/ тварь же ви́дящи сра́дуется Тебé,/ и Ада́м свеселíтся,// и мир, Спа́се мой, воспева́ет Тя прíсно.

И ныне и присно и во веки веков. Аминь.

Кондак Успения, глас 2:

В моли́твах Неусыпа́ющую Богоро́дицу/ и в предста́тельствах непрелóжное упова́ние/ гроб и умерщвлéние не удержа́ста:/ я́коже бо Живота́ Ма́терь/ к животу́ преста́ви// во утробу Всели́выйся присноде́вственную.

Господи, помилуй, *12*.

Всесвятая Троице, Единосущная Державо, Нераздельное Царство, всех благих Вина, благоволи же и о мне грешнем, утверди, вразуми сердце мое, и всю мою отыми скверну, просвети мою мысль, да выну славлю, пою, поклоняюсь и глаголю: Един Свят, Един Господь, Иисус Христос, во славу Бога Отца, аминь.

Буди Имя Господне благословено отныне и до века, *трижды*.

Слава Отцу и Сыну и Святому Духу, и ныне и присно и во веки веков, аминь.

Псалом 33: **Б**лагословлю Господа на всякое время, выну хвала Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною, и вознесем имя Его вкупе. Взысках Господа и услыша мя, и от всех скорбей моих избави мя. Приступите к Нему и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповае на нъ. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающии же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй живот, любяй дни видети блага; Удержи язык твой от зла, и устне твои, еже не глаголати лъсти. Уклонися от зла и сотвори благо, взыщи мира, и пожени и. Очи Господни на праведныя, и уши Его в молитву их. Лице же Господне на творящая злая, еже потребити от земли память их. Возваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, ни едина от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси уповающии на Него.

Задостойник (Вместо «Достойно есть...»):

Припев: **А**нгели, успение Пречистыя видевше, удившася, // како Девая восходит от земли на Небо.

Ирмос, глас 1:

Хор: **П**обеждаются естества уставы / в Тебе, Дево Чистая, / дѣвствует бо рождество / и живот предобручает смерть. / По рождестве Дева и по смерти жива, // спасаеши присно, Богородице, наследие Твое.

Хор: Слава Отцу, и Сыну, и Святому Духу, и ныне и присно, и во веки веков, аминь.

Господи, помилуй. *Трижды.*

Господи, благослови.

Старший: Воскресый из мертвых Христос Истинный Бог наш, молитвами Пречистыя Своея Матере, и всех святых, помилует и спасет нас, яко Благ и Человеколюбец.

Хор: Аминь.

